

Na osnovu člana 15. Zakona o principima lokalne samouprave u Federaciji BiH („Službene novine Federacije BiH, broj: 49/06 i 51/09) i člana 41. Statuta Grada Tuzle („Službeni glasnik Grada Tuzla“, broj 6/21), Gradonačelnik Grada Tuzle donosi:

PRAVILNIK
o izmjenama i dopunama Pravilnika o kriterijima i postupku raspodjele sredstava iz Budžeta Grada Tuzle za finansiranje/sufinansiranje manifestacija iz oblasti kulture i sporta

Član 1.

U Pravilniku o kriterijima i načinu raspodjele finansijskih sredstava iz Budžeta Grada Tuzle za finansiranje/sufinansiranje manifestacija iz oblasti kulture i sporta („Službeni glasnik Grada Tuzla“ broj: 13/21), u članu 1. iza stava (1) dodaje se stav (2) koji glasi:

„(2) Riječi i pojmovi koji imaju rodno značenje, bez obzira jesu li u odredbama ovog Pravilnika korišteni u muškom ili ženskom rodu, odnose se na jednak način na muški i ženski rod.“

Postojeći stavovi (2) i (3) postaju stavovi (3) i (4).

Član 2.

U članu 6., stav (2), iza tačke 8. dodaje se tačka 9. koja glasi:

„9. Uvjerenje o članstvu u Sportskom savezu grada Tuzle za aplikante koji se prijavljuju za finansiranje/sufinansiranje manifestacije iz oblasti sporta (nije eliminatorno ali će se dodatno bodovati).“

Stav (4) mijenja se i glasi:

„(4) Aplikant može podnijeti prijavu za manifestaciju koja se održava u toku tekuće godine.“

Član 3.

U članu 10., stav (1) mijenja se i glasi:

„(1) Nakon što Komisija utvrdi blagovremenost i potpunost aplikacije te ispunjavanje općih uslova iz člana 2. ovog Pravilnika, istu će ocijeniti u skladu sa kriterijima utvrđenim u obrascu za ocjenjivanje koji propisuje nadležna služba te shodno utvrđenom broju bodova predložiti iznos sredstava za dodjelu.“

Član 4.

Prilog 1. Pravilnika (Obrazac broj 1.) briše se.

Član 5.

Ostale odredbe Pravilnika ostaju na snazi.

Član 6.

Ovaj Pravilnik stupa na snagu narednog dana od dana objavljivanja u „Službenom glasniku Grada Tuzla“.

Bosna i Hercegovina
Federacija Bosne i Hercegovine
Tuzlanski kanton
GRAD TUZLA
GRADONAČELNIK
Broj: 02-04-A-1515-2024
Tuzla, 30.1.2024. godine

